



# DEN NORSKE KYRKJA

## Aure kyrkjelege fellesråd

Aure, 16.10.2024

Aure kommune  
Kommunedirektør/Økonomisjef  
6690 AURE

### BUDSJETT 2025 OG ØKONOMIPLAN 2025-2028

Aure kyrkjelege fellesråd har i sak AKF 28/2024 handsama sak om budsjett 2025 og økonomiplan 2025-2028.

Vedlagt følgjer budsjettforslag frå Aure kyrkjelege fellesråd for 2025, og økonomiplan for perioden 2025-2028.

Med helsing

Aure kyrkjelege fellesråd

Judith Bjørk (sign)  
kyrkjeverje

Atle Ivar Husby (sign)  
leiar Aure kyrkjelege fellesråd

Vedlegg: -Budsjettforslag 2025  
-Økonomiplan 2025-2028  
- Særutskrift vedtak sak 28/2024

# Særutskrift

for

## Aure kyrkjelege fellestråd

Tid: 02.10.2024

---

Aure kyrkjelege fellestråd har i møte den 02.10.2024 hatt følgende sak til behandling:

### **AKF 28/2024 Budsjett 2025, økonomiplan 2025-2028**

#### **INNSTILLING**

Fellestrådet godkjenner budsjettforslag 2025 og økonomiplan 2025-2028

#### **Møtehandtering:**

Kyrkjeverja gjekk gjennom prosessen i arbeidet med budsjett og økonomiplan. Fellestrådet godkjenner oppsett på forslag til driftsbudsjett. Når det gjelder prosjekt i økonomiplanen for 2025-2028, ber fellestrådet om at bevillinga på tidlegare år blir justert i henhold til prisstigning. Dette gjelder spesielt minnelund på Stemshaug og påbygg Stemshaug kyrkje. Vidare vil fellestrådet prioritere maling Av Gullstein kirke framfor kunstmaling i Aure kyrkje.

#### **VEDTAK:**

Fellestrådet godkjenner budsjettforslag 2025 og økonomiplan 2025-2028

JB

---

## **AURE KYRKJELEGE FELLESRÅD SITT FORSLAG TIL BUDSJETT FOR 2025, OG ØKONOMIPLAN 2025-2028**

### **Beskriving av verksemda**

Soknet er ei eigen juridisk eining. Jf. § 17 i lov om kyrkjeordning for Den norske kyrkje, skal kyrkjeleg fellesråd ivareta administrative og økonomiske oppgåver for sokna, utarbeide mål og planar for den kyrkjelege verksemd. Vidare ta ansvar for drift og vedlikehald av kyrkjer og kyrkjegardar. Fellesrådet er arbeidsgjevar for dei tilsette i kyrkja forutan presten, og er ei sjølvstendig eining med eit sjølvstendig budsjettansvar.

Kommunen har eit økonomisk ansvar, og plikt til å utrede utgifter til drift og vedlikehald av kyrkjer og kyrkjegardar til fellesrådet si verksemd etter lov om trus- og livssynssamfunn § 14. Kommunen har også forpliktingar overfor fellesrådet i h.h. til tenesteytingsavtale.

### **Innhald i tenesteytingsavtalen:**

- Leie av kontorlokale inkl. reinhald
- Forsikring av kyrkjebygg og lausøyre
- Snøbrøyting av veg/parkeringsplass i tilknytning til kyrkje/kyrkjegardar.
- Bedriftshelseteneste.
- Assistanse ved større bygg- og anleggsarbeid
- Ettersyn av maskinpark.
- Uttak av kopipapir samt bruk av kopimaskin
- Høve til å søkje på internt utlyste stillingar.

### **Talet på tenester for Aure, Stemshaug og Tustna sokn i 2023**

Forordna gudstenester:	61 (+1)
Barnedåpar:	15 (-11)
Konfirmantar	26 (0)
Gravferder:	49 (+2)
Vigslar:	1 (-4)
Konsertar:	4 (-2)

### **Kyrkja sine oppgåver**

Kyrkja prioriterer å yte god service til alt folket i kommunen. Vi må utvikle etaten sin administrative kompetanse, byggje opp kompetanse som arbeidsgjevar. Det er også svært viktig for personalpolitikken, å gi dei tilsette høve til å heve kompetansen innanfor sitt arbeidsområde. Dette området er vanskeleg å følgje opp når vi får uendra eller redusert tilskot frå kommunen kvart år. Den framtidige organiseringa vil ikkje bli endra med det første. Kyrkjemøte 2023, har forkasta tidlegare vedtak om ei arbeidsgjevarlinje.

Fellesrådet må støtte sokneråda og sokneprestane vedr. deira arbeid i sokna. og bidra økonomisk til sokneråda si verksemd, Jf. § 17 i lov om kyrkjeordning for Den norske kyrkje. Sokneråda har også strammare økonomi. Vi har eit aktivt barne- og ungdomsarbeid, derfor må fellesrådet inn med meir økonomisk støtte om ein skal halde oppe denne aktiviteten.

### **Status frå fellesrådet**

Trusopplærarstillinga er no på 50%. Vi ser at det er behov for auka aktivitet innanfor aldersgruppa 0-18 år. Auka lønskostnader her blir dekt av tilskott frå fond over 10 år.

I administrasjonen har det vore innsparingar dei siste åra og kyrkjevevja har no berre 60% stilling (40 +20) til å ivareta administrative oppgåver for sokneråd, sokneprest, og kyrkjevevja. Dette er veldig lite, og derfor fell mykje sike oppgåver på kyrkjevevja, som vidare får problem med å utføre sine oppgåver med økonomi, sakshandsaming osv.

På sommarhalvåret har det vore innleidd ekstra ressursar (tilsvarande 20% på årsbasis) til vedlikehald på gravplassane, Sidan sommarbua vart avvikla måtte vi sjå oss om etter anna sommarhjelp i år. Vi har prioritert ekstra ressursar ute på gravplassane i sommar To av våre nye

landsmenn har jobba tre dagar i veka. Dei er veldig flinke, og har ilag med våre faste tilsette gjort ein svært god jobb i sommar.

Det er mange år sidan vi har hatt så velstelte gravplassar som i sommar, og det er kome mange positive tilbakemeldingar på dette. I tillegg til å klippe det som er pålagt fellesrådet, har det også blitt klipt rundt gravminna.

Å ha velstelte gravplassar, er viktig for folket i Aure, og vi håpar vi kan ha ressursar til dette ressursar til dette.

også i åra framover.

På området rundt Aure kyrkje er det mange gamle og verneverdige gravminne. Jobben med å registrere alle data, og finne pårørande til desse er sett på vent.

Pensjonskostnader er alltid vanskeleg å budsjettere. Det viser seg at dette har auka kraftig det siste året, og at dette må kompenseras gjennom det kommunale tilskottet. Kommunen skal få meir frie inntekter i form av statstilskott til blant anna dette.

Kyrkjeverja har i oppgåve i å utrede muligheit til å opprette ei stilling som diakon i Aure. Dette har vi jobba med i fleire år, og viser her til møte med kommunen i høve bispevisitasen heilt tilbake som i juni 2012, der vi oppfatta at kommunen var svært positiv til dette. I det møtet vart det lagt stor vekt på å ha ein slik ressurs i kommunen, og det viktige arbeidet ein diakon utfører. Biskopen var på visitas i juni 2021, og det er beklageleg at vi ikkje kunne vise framgang i denne saka. Dette kan i framtida bli ei samarbeidsstilling med Smøla kirkelige fellesråd og bispedøme. Og vi har planar om at det vidareførast i møte med prosten Derfor er dette tiltaket teke ut av budsjett for 2024. Viser elles til diakoniplan for Aure, som er utarbeida utifrå ein sentral overordna nasjonal plan. Av innkjøp er det ny bilhengar som er nødvendig i 2025

Kommunen har lagt inn fleire prosjekt til fellesrådet i økonomiplanperioden. Og vi har starta opp arbeidet med desse, men har ikkje fått realisert dette i 2024 på grunn av saksgong og av venta godkjenningar frå andre myndigheiter.

### **Kommunen sin økonomi**

Aure kommune har hatt ein strammare økonomi dei siste åra. Dette ser også ut til å fortsette vidare. Aure kommune har dei siste 15-20 åra brukt osteprinsippet ved budsjetthandsaminga. Politkarane har i fleire år signalisert at ein ikkje kan fortsetje med osteprinsippet, og vil ta grep, likevel får alle einingar redusert tilskot kvart år.

Rammebetingelsane for Aure kommune blir forverra ved at ein må handtere inntektstap i åra som kjem. Dette gjelder i hovudsak avvikling av inndelingstilskottet etter kommunesamanslåinga i 2006, som var 2024. Vidare vil ei negativ befolkningsutvikling påverkar de frie inntektene. Samtidig var det frå 2023 ei betydeleg auke i renteutgiftene. Likevel ser ein at auke i skatteinntekter, midlar frå Havbruksfondet og innføring av eigedomsskatt på bustad- og fritidseigedomar kompenserer noko for inntektsbortfallet. Kompensasjonsordninga knytt til endringane i eigedomsskattelova gjeldande frå og med 2019, er usikker. Men til no har ein motteke tilnærma full kompensasjon.

Med renteauke vil rente- og avdrag ta ein større de av driftsbudsjettet i framtida.

Prisstigning på bl.a. matvarer, økte straumprisar og renteoppgang vil nødvendigvis bety høgare krav i forhold til lønskompensasjon. Tariffoppgjeret i 2024 viser nettopp dette og det er spådd at en kan forvente høge lønsoppgjer i dei næraste åra.

Derfor er driftssituasjonen slik at kommunen framleis må bruke disposisjonsfond for å kome i balanse. Og ut ifrå dette er det forventa at netto driftsramme i åra framover også blir redusert.

### Nytt inntektssystem for kommunane

Inntektssystemet er viktig for å sikre eit likeverdig tenestetilbod i heile landet. Systemet fordelar kommunane og fylkeskommunane sine frie inntekter, det vil sei rammetilskot og skatteinntekter. Det viktigaste formålet med inntektssystemet er å sørge for at kommunar kan tilby gode og likeverdige velferdstenester til innbyggjarane.

Det er stor forskjell når det gjeld innbyggartal, befolkningsamansetjing, busetting og sentralitet, og dette påverkar utgiftene til kvar enkel kommune i ulik grad.



Avgifter som er teke bort er for fleire år sidan er :

Fjerning av gravminne og betaling for vigsel av utanbygdsbuande som har tilknytning til kommunen. Vi i tek framleis betalt for gravferd for dei som bur utanfor kommunen, samt utleie av kyrkjebygga. i.h.t. lov om kyrkjeordning for DNK § 22

Fellesrådet har for 2024 ingen endringar som fører til konsekvensjustering av budsjettet.

## Budsjettforslag 2025

### Nye tiltak for 2025, og vidare i økonomiplanperioden

Tiltak	2025	2026	2027	2028
	<b>3.545</b>	<b>3825</b>	<b>3995</b>	<b>4340</b>
1. Lønsauke utifrå tariff + løn kyrkjev.	200	150	150	150
2. Auka ressursar på gravplassane	50			
3. Innkjøp av ny bilhengar	30	-30		
4. Ny klipper i 2026		50	-50	
5. Diakonistilling 1/3 stilling			245	
	<b>+280</b>	<b>+170</b>	<b>+345</b>	<b>+150</b>
Sum	<b>3825</b>	<b>3995</b>	<b>4340</b>	<b>4490</b>

#### Kommentarar:

##### 1. Lønsauke 2025

Grunnlag lønn Aure kyrkjelege fellesråd: 3,545 millionar kroner x 4,3 % = kr. 150.000,- inkl. sos. utgifter. I tillegg har kyrkjevevja fått heva løn i h.h. til andre kyrkjevevjer på Nordmøre Foreløpig anslag basert på tariffoppgjøret 2025.

##### 2. Auka ressursar gravplassar

Vedlikehaldet på kyrkjegardane krev store ressursar på sommaren. Vi ønskjer må få til ein fast 20% stilling som blir bruka på sommarhalvåret. På driftsbudsjettet har vi prøvd å setje av ekstra ressursar til dette, men for inneverande år har vi bruka meit ressursar ute enn tidlegare. Arbeidet gjelder ikkje berre klipping av gras, men også kantklipping av skråningar, rundt bygningar og busker og trer. Vidare vedlikehald og maling av gjerde m.v. Om vi hadde hatt meir ressursar ville vi også kantklippa rundt kvart gravminne, sjølv om dette er pårørande sitt ansvar. Vi ser det er svært viktig for pårørande som besøker gravplassane, og generelt for heile bygda at gravplassane er fine og velstelte. Og Aure kyrkjegard som ligg midt i sentrum, og er eit blikkfang for den som besøker bygda vår, og bør sjå fin ut. Vidare er det også behov for innkjøp av nye reiskapar og hjelpemidlar som grav rammer på gravplassane våre. Og med auka ressursar både på personale og til drift er dette råd å få til.

##### Innkjøp av ny bilhengar:

Det er nødvendig med ny bilhengar i 2025. Den vi har no er i ferd med å bli avskilta.

Vi brukar hengaren til å transportere gravutstyr, klipper og avvant mellom gravplassane.

Vi må ha ein hengar som har mål: 144x309x35 cm.

##### 4. Ny klipper i 2026

Vi har pr. I dag fire klipper som vart innkjøpt i perioden 2017-2022. Klipperane går gjennomsnitt 20 timar kvar veke i ca. 20 veker pr. år. Det er 4 år sidan sist vi kjøpte inn klipper da ein Husqvarna Rider R213C.

**5. Diakonistilling:**

I svært mange år har vi hatt stilling som diakon på dagsorden og behovet er ikkje mindre no i 2022. Det var i 2009 det vart utarbeida ein plan for diakoni, som vart vedteken av alle tre sokna i kommunen

For å utøve denne planen, må ein tilsetje ein diakon. Dette er ein stilling som kan opprettast i samarbeid med kommunen i høve barne- og ungdomsarbeid m.m. Døme på andre arbeidsoppgåver er sorgarbeid i samband med ulykker, og andre tider når menneske er i sorg (ettervern). Førebyggjande arbeid ovanfor menneske som treng hjelp, omsorg og støtte og psykisk helsehjelp . Ein diakon kan også avlaste presten ved å gjennomføre gravferder m.v.

Vi ønskjer å samarbeide med Smøla kirkelige fellesråd og bispedømerådet for å få oppretta ei slik stilling i samarbeidsområdet Aure- Smøla. Vi håpar at vi kan ha dette på plass til å lyse ut stillinga i 2027. Håpar kommunen ser kor viktig ei slik stilling er.

**Reduksjon av ramma vil føre til:****Reduksjon tiltak**

I åra frå 2015-2020 fekk vi redusert ramma med gjennomsnitt kr. 80.000,- kvart år i mangel på lønnskompensasjon. Dette har bidrege til at vi har redusert staben frå 4,95 årsverk i 2015 til 442 årsverk i 2020. Dette utgjør 0,53 årsverk i nedgang.

Vi føler ikkje det er grunnlag for å redusere vår ramme ytterlegare, da vi slit med dette etterslepet.

Likevel vil ei ytterlegare reduksjon av ramma til fellesrådet få desse konsekvensane( ikkje prioritert rekkefølge)

- Redusering av ressursar vil føre til mindre vedlikehald av gravplassane på sommarhalvåret. Det blir ikkje teke inn sommarvikarar
- Mindre vedlikehald av kyrkjene, som etterkvart blir meir forfalle.
- Stenging av kyrkjer
- Reduksjon av bemanninga på kontoret, som fører til dårlegare service utad, og ingen kapasitet til å jobbe med dei store prosjekta i økonomiplanen.

**ØKONOMIPLAN FOR 2025-2028****Investeringar og større vedlikehaldsoppgåver.**

Fellesrådet er klar over at for å bruke midlar som er tildelt kapitalbudsjettet, må investeringar og større vedlikehald være minimum kr. 100.000,-, og ha ei levetid på minst to år. Men innanfor dei små rammene vi har i drifta, er det uråd å setje i gang med vedlikehald som eigentleg skal først i driftsbudsjettet.

Nedanfor viser løyvingar frå kommunen over investeringsbudsjettet dei siste åra.

**Løyvingar på investering frå kommunen frå år 2000**

2006	kr. 120.000,-
2007	kr. 150.000,-
2010:	kr. 600.000,- til driftshus Aure
2012:	kr. 150.000,-
2020	kr. 50.000,- (corona-midlar)
2022	kr. 670.000,- til maling av Stemshaug kyrkje
2023	kr. 850.000,- til påbygg Stemshaug (under arbeid, ikkje overført)
2023	kr. 125.000,- Oppvarming kyrkjer ( planlegging i gang, ikkje overført)
2023	kr. 350.000,- Namna minnelund Gullstein overført delbetaling på 230.969,68
2024	kr. 200.000,- Dekormaling Aure kyrkje
2024	kr. 144.337,- Rest minnelund Gullstein (ikkje utbetalt)
2024	kr. 350.000,- Namna minnelund Stemshaug, overførast til 2025

Utviding av Gullstein kirkegård gjekk rett frå kommunen sitt budsjett.

Viser her til lov om trus- og livssynssamfunn § 14, der kommunen er økonomisk ansvarleg for drift, vedlikehald og investeringar til kyrkjelege fellestråd  
Sidan det ikkje er kome løyvinga, vil våre prosjekt gå igjen frå tidlegare år.

### **A Investeringar - kyrkjer i prioritert rekkjefølgje (1000) inkl. mva, tilskott frå kommunen**

Tiltak	2025	2026	2027	2028
1. Nytt påbygg Stemshaug	900			
2. Nye varmekjelde og el-installasjon	450	250		
3. Maling av Gullstein kirke	520			
4. Dekormaling Aure kyrkje		500		

Kommentarar:

#### 1 . Nytt påbygg St.h. kyrkje

Eit utbygg til Stemshaug kyrkje er nødvendig for å verne hovuddøra mot sørvesten. På vinterhalvåret trutnar den opp og går ikkje i lås. Det blir også stor slitasje når den står rett mot været. Prosjektet vart godkjent av Bispedømerådet i 2017, og vi vil sende dette ut på anbod, når vi får aksept frå kommunen. Prosjektet låg inne i 2023 i økonomiplanen med eit kostnadsoverslag sendt kommune tidlegare på kr. 850.000,- + mva. Byggesøknad er sendt til kommunen, men på grunn tilbakemelding frå kulturavdelinga i fylket, bad kommunen oss vurdere saka på nytt med tanke på skifting av ytterdør. Dette er gjort, og fellestrådet står på sine vedtak om nytt påbygg på Stemshaug kyrkje. Ber derfor om midlar blir vidareført til 2025.

#### 2.Nye varmekjelde i kyrkjebygga

I alle tre kyrkjene er det gamle røyromnar under benkene. Det er pr. i dag den einaste oppvarminga av kyrkjene våre. Totale straumkostnadar tidlegare år lege på mellom. 180.000,- – 220.000,- Enova kom for nokre år sidan med ein rapport som stadfesta at det vil vere svært besparande med å installere varmpumpe i kyrkjene. Det er berre i Stemshaug kyrkje vi har fått løyve til å installere varmpumpe. I si tid bad Riksantikvaren å skifte ut gamle røyromnar med benkevarmarer i Aure kyrkje og Gullstein kirke. Dette vil være økonomisk på lang sikt. Eit prosjekt som skulle gå over fleire år.

*Det som tidlegare låg inne i økonomiplanen var eit prisoverslag frå 2018 frå Safeheat som har spesialisert seg på oppvarming av kyrkjer sidan 1990 er oversendt kommunen tidlegare år. Dette er berre levering av benkevarmarar pluss montering same.*

#### Rapport tilstand varmekjelder kyrkjebygg

Ein komiteen har arbeida med å sjå på tilstandane i kyrkjebygga

Vi fekk sluttrapport pr. 10.10.24 og komiteen har kome fram til følgande:

- Komiteen vil ikkje anbefale å skifte ut røyromnane i Aure kyrkje, meiner dette ikkje har noko effekt.
- Taket mellom galleri og loft, viser seg å være isoler, sikker på 80-talet. Så der ikkje noko og hente her heller.
- Ev. doble vindauga i kyrkjebygget kan ha noko effekt, for enkle vindauga kan stele litt varme. 8 store glas i fire deler. dette blir 32 isolerteglass på 150x70  
Har fått kostnadsoverslag
- Ein del av røyromnar i Stemshaug kyrke bør skiftast p.g.a svært høg temperatur (150C) i h.h. til el-rapport.
- Anbefala å montere varmpumpe på Stemshaug, dette er godkjent av biskop.

Vidare bør det skiftast ut sikringssskap i Gullstein kirke og renovere sikringssskap i Gullstein i.hh. til el-rapport.

#### 3. Maling av Gullstein kirke

Gullstein kirke bør malast neste år. Vi ser at spesielt tårnveggen er veldig tåflassa.

Vi ser også at når det fyrst starte med forfall, blir det fort forverra.

Vi har fått inn tilbod på arbeidet,



#### 4. Dekormaling Aure kyrkje

Aure kyrkje er 100 år i oktober 2024. Dekormalinga i Aure kyrkje stammer frå da ho var ny i 2024. Det er mykje dekormaling i Aure kyrkje. Heile korveggen er av dekor. Vidare preikestol og orgelhus. Og dette ser ut til at den har halde seg fint framleis. Så er det over 40 søyler rundt i kyrkjeskipet, speil både på dører og gallerivegger, der behovet for restaurering er størst. Den har halde seg godt i lang tid, men det var litt restaurering og flikking i samband med innsetting av nytt orgel i 1980. Vidare vart det også gjort litt maling på nokre dørspegel i forkant av kronprinsparet sitt besøk i Aure kyrkje 01.10.2001.

Etter anbefalingar frå bispedømerådet kom målarrestar Kjell Arne Årseth var på besøk hos oss i vår, og såg på behovet for restaurering. Han kartla prosjektet, og lage ein plan for arbeidet og kom med ei kalkyle for kostnader. Han kom med forslag på delprosjekt, der ein tek søyler i hovudskipet, og ev. eit forprosjekt med å ta ei søyle først, for å sjå omfanget. Totalkostnad på heile prosjektet inkl forprosjekt er på kr. 917.500,- + mva Ein del arbeid er gjennomført og det er pr. 01.09.24 utbetalt kr. 408.500,- + mva

For å ha dekt delar av kostnadane har vi noko fond, som er øyremerka maling av kyrkja, samt testamentarisk gåve til Aure kyrkje som kan løyvast til dette og dekke første delprosjekt.

#### Dåpsrom/ HC toalett i Gullstein kirke

I Gullstein kyrkje er det ikkje eige dåpsrom. Samtidig er det ikkje tilkomst frå eksisterande hc-toalett og opp til kyrkja. Derfor ønskjer Tustna sokn å få eit påbygg v.s.a koret til dåpsrom, slik som i Stemshaug kyrkje. Prosjektet er framleis på planleggingsstadiet og er ikkje kostnadsberekna .

### **B Prosjekt på gravplassar i prioritert rekkjefølgje sum (1000) inkl.mva. tilskott frå kommunen**

<b>Tiltak:</b>	<b>2025</b>	<b>2026</b>	<b>2027</b>	<b>2028</b>
1 Gravplassane	400			
2. Reiskapshus m/vatn og sanitær på Folde		ikkje beregna kostnad		

#### Kommentarar:

##### 1.Gravplassar:

Aure kommune har bevilga midlar til Namna minnelund. No står Stemshaug att, og den ligg inne i økonomiplanen. Det er starta planlegging, men på grunn av endringar i utforming av monument i hen hold til budsjett, må dette prosjektet utsetjast til 2025

##### 2 Plan for vedlikehald Folde gravlund

Det vil kome ein plan med kostnadsberekning for Folde gravlund, og dette vil bli lagt inn i økonomiplanperioden

##### **Klokketårnet**

Huset er i såpass dårleg stand utvendig at utbetring av de verste manglar er å betrakte som bortkasta pengar.' Det bør lages et prosjekt for total utvendig fornying av bygget, med unntak av vegg mot sjøen som er nykledd. I samband med eit slikt anlegg, bør det også lagast eit skikkeleg personalrom. Størrelse ca. 30 m<sup>2</sup>

##### **Gjerde.**

Gjerde rundt gravlunden er preget av »tidenes tann»

Tiltak: lage en plan for nytt gjerde. Ev. stakittgjerde mot parkeringsplass

##### **Vatn.**

Gravlunden manglar framleis framlagt vatn. Det som er der i dag er ein stor plasttank, som vi fyller på etterkvart.

Framføring av vatn må prioriterast. Dette er eit arbeid som har vore jobba med tidlegare, men vart skrinlagt på grunn av store kostnader

Ei løysing er å søkje om å få knytte oss på vatningssystemet til ein nabo av gravlunden om vi får tilskott til dette.

Kyrkjeverja vil anbefale å ta kontakt med kommunen for å få prosjektert kostnader med dette prosjektet.

**Namna minnelund og ny gravplass i Aure sokn.**

Etter at vi fekk ei minnegåve gitt gjennom Aure kommune, har vi no fått etablert namna minnelund på Aure. Dette er vi veldig takknemleg for, og er eit tilbod vi håper blir bruka i åra framover. Det vil redusere behovet for ny gravplass i Aure sokn. Kravet er at det utifrå innbyggjartalet, skal vere 3 % ledige graver i ein kommune. Det er kommune sitt ansvar og sørge for tilstrekkeleg med gravplassar. Ved gjenbruk av gamle graver, vil vi klare oss ein god del år framover med den eksisterande gravplassen på Aure, men behovet kan melde seg ein gong i framtida.

**Til slutt**

Dette er tiltak Aure kyrkjelege fellesrådet har som planar for 2025-2028, og vidare framover. Mange prosjekt er verken tidfesta eller kostnadsberekna, men der er viktig at kommunen er oppdatert på dei behova og planane Aure kyrkjeleg fellesråd har framover. Vi håpar elles kommunen ser på dei prosjekta vi har sett på dagsorden, som viktige for kommunen.

Sakshandsamar: Judith Bjørk